

中國地方志集成

K295.1
20
10

上海府縣志輯 ⑩

光緒金山縣志

康熙崇明縣志

民國崇明縣志

責任編輯 盧建幸
封面設計 范一辛

中國地方志集成

上海府縣志輯⑩

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二〇七元

1991 年 6 月第 1 版 1991 年 6 月第 1 次印刷

ISBN 7-80569-449-4/K·46

重修金山縣志序

天下有彈丸黑子之地而控扼全局屹然爲一方重鎮者則

朝廷締造之意不可不深長思也金山明隸華亭入

國朝改隸婁縣後始析爲今邑蓋因時制宜爲控扼計而後置縣又較量形勝輾轉審度而縣治乃定誠以地處海濱屏蔽腹地外接兩浙遠勢千里緒寇之亂規復浙西之軍實取道於此舊駐陸兵千亂後增設水師補陸兵所不及桑土綢繆之計日益備觀治者敢以一邑小之哉況橫浦浦東久擅煮海之利鹽梟出沒其中趨利者眾釀禍亦

金山縣志

序

易良有司深鑒前事居安思危防外侮靖內訌其必有道以處此矣光緒三年重修縣志成邑令崔君廷鏞以序請爲論其地勢之大畧者如此

光緒戊寅夏五督江使者侯官沈葆楨謹叙



重修金山縣志序

明洪武間築城防海始置金山衛雍正四年以兩江督臣疏請分婁縣南境立金山縣以胥浦一鄉并析風涇集賢修竹仙山四鄉地隸焉分縣時知縣駐衛城乾隆二十四年以衛城地僻控馭非宜遂移縣治於朱涇鎮文廟祠宇書院倉廩舊在朱涇而縣署監獄亦隨所治而遷焉竊惟金山控扼大海襟帶兩浙舊設額兵千名屹然爲海疆重鎮近又增置水師助綠營所不及橫浦浦東實司鹽筴椎埋豪猾出沒其中此兵防鹽法二者當務爲急也舊有志乾隆十六年知縣常琬創修縣志去置縣未三十年紀

金山縣志

序

載尙多缺畧邑人姚訥續修之錢熙泰又從而參訂之頗多考正百五十年來變遷非一中經兵燹官牘不存網羅散失亦綦難矣前牧令龔寶琦承修邑志未竣事而去今牧令崔廷鏞以所成書三十卷乞余一言余閱之河道橋梁以及藝文人物增纂頗詳體例尙備邦人士搜訪之苦心其可沒歟故樂得而爲之序

光緒四年歲次戊寅春二月撫吳使者吳元炳謹序

重修金山縣志序

金山舊爲華亭縣地明洪武間築城防海始置金山衛國朝順治十三年分華亭而置婁雍正四年又析婁而置金山蓋卽以衛名名縣也乾隆十六年知縣常公琬始創縣志時去置縣未三十年而紀載苟簡多所缺畧甚矣作志之難也道光時邑人姚君炳起而重修之錢君熙泰又從而訂正之將彬彬乎有可觀矣而書又未竟不獲以傳百五十年來因時變遷更遭兵燹典章散佚老成凋謝志之修也談何容易夫金山一區區彈丸邑耳前控大海後扼浦江實爲松江一郡屏幃衛城有營舊以參將領之額

金山縣志

序

兵千名屹然爲海疆重鎮嘉慶中改設游擊營制亦稍稍變更同治中添駐水師以助綠營所不及縣治向在衛城乾隆間以衛城僻陋控馭非宜遂移治於朱涇粵寇之變衛城不守其後乃厚集兵力南自衛城北至朱涇步步爲營率能規復浙西諸郡蓋東南大洋乃江浙會哨之界若大洋山若淡水門皆海鯨所出沒塘路則西承平湖東遞華亭環而東南直至寶山迢迢數百里平坦如砥不僅防海兼可控陸而朱涇一鎮尤居中要故又不獨爲松江一郡屏幃而實爲江浙之門戶其於防守之法尤不可以不志若夫橫浦浦東實司閘塞釐弊剔奸鹽法宜志御難舊

漲日就淤墊疏流導源水利宜志書院之設培養人材月

試歲餽文教宜志凡此又皆守土者之責而賢有司所亟宜留意者也前知縣事者龔君寶琦乃設局修志志未就而崔君廷鏞代之旣告成得三十卷傳信闕疑蒐輯頗力爰書數語於簡端以告後之守斯土者

光緒四年戊寅六月蘇州布政使司布政使勅方琦序

金山縣志

序

重修金山縣志序

金山一邑左臨大海右控浦江自昔稱形勝之地余於咸豐辛酉冬捧檄來滬時值衛城失守浦東各邑相繼淪陷而松江上海遂屢瀕於危至次年三月合肥相國統淮軍至始以重兵守朱涇節節立營爲拊背扼吭之計然後南匯奉賢以次收復蓋雖蕞爾彈丸固江浙之門戶而松滬之藩籬也惟其地初隸華亭繼改婁縣至前明洪武間始設衛所我

金山縣志

序

朝雍正四年始建縣治卽以衛名名之而縣之有志則自乾隆十六年縣令常琬始其時建置未久記載多缺百餘年來江海之變遷風俗之醇澆農桑貿易邊防之利害上

關

國計下繫民生者在在宜筆之簡篇垂爲訓典則兵燹以後縣志之修益不容緩矣會大中丞固始吳公有續修江南通志之舉乃檄各郡先修縣志備採擇於是前令龔君與邦人士遵章設局事未竟而瓜代鄉人崔君友梅繼之採訪纂輯分爲三十卷提綱絜要條理井然書成走函索序余維紀述旣詳利弊斯判舉凡文學武備水利鹽萊以及旌忠表節除莠安良因革損益之宜撫字催科之政皆賢令尹所宜孜孜勤求而責無旁貸者固不徒以記事

徵詞備後來之掌故也令斯邑者其勉之
賜進士出身

諸授資政大夫布政使銜署江蘇按察使司徐州兵備道
靈寶薛書常敬撰

金山縣志

序

二

重修金山縣志序

自來形勝要害有互古不易者有隨時勢為轉移者而建置之沿革因之學者欲攷已然之迹知通變之宜則非紀載不為功金山控扼大海襟帶兩浙為松江一郡屏蔽固東南形勝地也未置縣時地隸華亭明洪武間築城防海始建金山衛所 國朝順治十三年分華亭置婁縣地又轉隸於婁至雍正四年又析婁置縣遂以衛名名之蓋上下三百年變置已數數矣要其為海疆形勝則所謂互古不易者也縣治舊在衛城乾隆二十四年以衛城地僻控制非宜改建於朱涇鎮而衛城額設兵千名領以參將隱然為海疆重鎮嘉慶中改設游擊承平日久不復以兵防為重形勢依然而時宜輕重今昔殊情規制亦稍變矣粵寇之亂自浙境沿海竄擾衛城不守南漚奉賢相繼淪陷迨皖軍渡海東下駐營滬上分遣重兵扼守朱涇先拔衛城旋收旁邑遂能遠窺浙西收功保障厥後東南大定改易營制衛城添設水師助綠營所不及由此言之經畫建置之宜又視夫事會之適然非前者之慮有未周而後者之智獨多也而已事之規前志之所載筆有心人心必起而修明之以俟夫考信而決疑者誠不可以已也光緒紀元大中丞吳公將有續修江南通志之舉既檄各屬先成縣

金山縣志

序

志復命龔太守

青圖

總松江一府之成前金山令龔君寶

琦

始修厥緒今令崔君

廷鏞

踵事訖功成書三十卷以余

同官屬為序言余讀其敘畧於地勢形勝建置沿革言之尤詳而近事之效有足相參證者爰舉大要敷言簡端若夫義例之善掌錄之勤讀者將自得焉茲不復贅云

光緒四年戊寅正月布政使銜署理蘇松太兵備道海關監督貴池劉瑞芳序

金山縣志

序

重修金山縣志序

古者郡國有志所以攷疆域之分建置之始與夫風土物產之宜人才薈萃之數凡以補

國史之所未及而求治者有所攷鏡焉金山舊未有志乾隆十六年知縣常琬始創修縣志道光間邑人姚炳錢又續修之兵燹後紀載散失文獻闕如邦人士有志修輯而未逮也

今上御極之元年 大中丞吳公將有續修江南通志之舉

既檄各屬先成縣志於是金山志始重修時權縣事者龔君寶琦實經始之延邑孝廉黃君厚本總纂其事丁丑秋

金山縣志

序

一

延鑑來莅是邑乃與黃君反覆商榷精考博采以踵其成計成書三十卷爲表四爲志八爲傳十二始事於光緒丙子九月迨次年九月而歲事夫以百數十年失修之志疆域有變遷建置亦有沿革加以田賦鹽課諸大政互多損益自逆氛竄擾邦之士女或揮戈喋血或飲刃投繯義烈激然而其姓氏湮沒不彰者何可勝道今黃君與諸君子網羅散佚闡幽光而垂不朽厥功顧不偉歟抑又聞之志者一邑之信史也信今乃可以傳後識大識小存乎人而已矣一邑之事要以紀載而傳而紀載亦以人而傳是故人才者一邑之興替所關有司者莫不以此爲亟亟也金

山當未建縣時地屬於華繼隸於婁其時魁儒碩士後先輝映蔚然爲東南之秀今雖不逮於古而芳馨未沫靈秀所鍾當有賢哲挺生起而鳴

國家之盛者則官斯土者所深望也刊既成因書其大略如此至於方隅建置之宜形勢控扼之要前序言之綦詳茲不復贅云光緒戊寅九月陳州崔廷鏞謹序

金山縣志

序

二

重修金山縣志街名姓氏

纂修官

運同銜升用同知署金山縣知縣龔寶琦
運同銜補用直隸州金山縣知縣崔廷鏞
提調官

金山縣儒學訓導朱之蘭

修輯

丁卯科舉人揀選知縣黃厚本

附

生程維屏

廩

生袁昌榮

金山縣志

纂修

一

覆閱

五品銜鑲黃旗教習卽選訓導優貢生吳履剛
新選蕭縣訓導前碭山縣訓導優貢生黃昭瑜
鑲藍旗教習拔貢生張芳培

參校

五品銜候選訓導附貢生陳治安

附

生沈其祥

廩

生曹昌輝

五品銜中書科中書附貢

生莫鴻銓

廩

生張振聲

廩

貢

生沈世珩

生沈應甲

校錄

附

生沈廷桂

附

生陸朝棟

附

生沈世璜

采訪

附

貢

生陳邦棧

孝廉方正試用訓導附貢生黃寅清

州同銜就職教諭恩貢生彭厥昌

金山縣志

纂修

二

試用教諭恩貢

生范駿聲

增

生莫泰來

恩

貢

生何福謙

附

生沈均

附

貢

生何榮生

廩

生金其光

監

生高桂

廩

生俞驥超

附

生王觀瀾

附

貢

生袁昌杰

繪圖

議

收掌

議

捐刊

議

敘夏啟承

敘黃堃徵

敘錢銘勛

金山縣志

纂修

三

金山縣志重修凡例

一志與史相表裏立言貴有體要太簡則畧太繁則支

舊志分類三十姚泂續修稿仍因之錢熙泰重訂稿

爲表四爲志八爲傳十二茲攷其例稍加增損分合

乎其間總期繁簡得宜無乖史例表志傳首各綴以

小引以明涯畧

一卷首仍依舊志統列各圖所有圖說詳列各門下茲

不復贅

一星野之說牽合紛歧古人已言其妄府志第言松江

古吳地揚州之域上屬南斗金爲一隅地未能確指

金山縣志

凡例

一

爲幾度姑闕之以俟知者

一舊志以衛城爲縣治各鄉鎮相去道里均以衛城爲

主今既移治朱涇則以朱涇爲主而衛城附焉

一疆域茲既作表各鎮市不便另立一門所隸何圖概

附於其下

一舊志科目衛學暨華婁學居多茲考其居址爲定註

明某鎮某村人非本籍而實居本境者亦收之否則

刪之不可考者則仍其舊封贈祇錄實職錄錄廕第收

例廕至虛銜封贈殉難恩廕暨例貢例監吏員恩賚

諸項遺佚恐多茲概不錄

一舊志海中金山載在縣境錢稿亦然按華亭志在華境查朱軾疏云金山壑積圓沙直衝滌闕則山屬華亭無疑且金山礮汛金山墩汛皆華境若縣名金山祇襲衛名而名之耳其餘諸山俱在金山東皆非縣境更屬無疑茲故於秦查柘三山之外概不列入

一各處河道較舊志所載變遷不一卽較錢稿亦已通塞懸殊建置亦然茲就現在者爲準注明某處某河或通或塞某祠某廟或廢或興庶閱者一目瞭然

一橋梁間有同名注明所跨各河庶不致混第宅園林不注存廢祇存其目附於古蹟之下聊寓思古之情

金山縣志

凡例

二

一衛城境地半屬華亭故疆域祇載金界惟城內戶口悉歸金山管轄一切衛學書院等盡金山主政故紀

載特詳

一田賦自同治四年

特恩減免後與舊額懸殊茲謹遵賦役全書詳細列入鹽

政則悉遵鹽法志云

一舊志藝文雜載詩文茲倣府志例祇載書目金石碑記亦然其有關掌故者收入各門下以資攷證

一舊志兵防金山營所管塘汛概行列入茲僅錄其在縣境者至兵制兵數悉遵營移冊籍

一人物必久而論定顧清松江府志立傳止成化丁卯距修志二十六年陳繼儒松江府志立傳止嘉靖丙寅距修志六十五年邑中人物寥寥舊志已寬其例茲載至同治年止惟修築裁改事宜職官選舉題名暨貞節婦女悉以本年爲止

一舊志列女祇載貞孝節烈錢稿此類獨缺茲自乾隆十六年以後俱從朱涇志張堰志千巷志採入餘由各處採訪所得遺佚想所不免末附賢淑才女倣府志例

一邑境被擾最久死節極夥概爲立傳恐不勝煩茲取

金山縣志

凡例

三

死節彰彰者立傳或作合傳餘倣昭忠錄例第存其名附於兵燹項下

圖經目次

全境水利圖

鄉保區圖

海塘圖

兵防圖

朱涇鎮圖

衛城圖

縣署圖

文廟學署圖

栢湖書院圖

積穀倉圖

金山縣志

全境水利圖

圖

東接華亭界

北接婁北界



金山縣志

鄉保區圖

圖

北接婁北界

西接華亭界


南接平湖界



二

金山縣志

海塘圖




每鄉分界用雙線每條分界用連
珠線每圖分界用單線其有一則
而地一圖三地者詳詳雖域水則
中不及備詳

三


金山縣志


兵防圖



街城南門西門橫堤墩葛蓬墩綠管墩張堰南六里庵
泰山北倉西倉白渡松隱柳港等十三汛俱屬金山營

四






朱涇東口西北六里庵前港御橋大莊塘太師庵山塘明正庵御灣夏枋呂巷
千巷安派葉家行興塔韓家門等十七流俱屬提標中營

金山縣志

朱涇鎮圖

圖

五





金山縣志

衛城圖

圖



六



金山縣志
縣署圖

圖



七



金山縣志
文廟學署圖

圖

八





金山縣志

柘湖書院圖

圖

九






金山縣志

積穀倉圖

圖

十





金山縣志目錄	卷首	凡例	圖經	卷一表	沿革	疆域	卷二表	職官	卷三表	選舉	卷四表	選舉	卷五志	山川	卷六志	山川	卷七志	建置	卷八志	建置	卷九志
--------	----	----	----	-----	----	----	-----	----	-----	----	-----	----	-----	----	-----	----	-----	----	-----	----	-----